



石倉十三代詩選

三集卷六十三

碧里集

大明

後學曹學佺閱

海鹽董穀著

青芝

磅礴積地靈網紘洩天奇沙泉毓孤質月露發

華滋碧蘚薦高潔叢篁映葳蕤團團雲出岫濯

濯蓋臨池蒼壁奠秋社圓荷長春池道人事服

食長鑱隨所之竭來白石下一笑得幽姿恍獲

玉如意日夕欣相持吞之五内好氣烈其如飴

仙骨久益堅芳顏恒謝飢遂從東海上綽約逢
黃睂

石洲圖

頃從白下來舟經觀音門奇怪所未見欲狀難
名言巨崖積古鐵下臨疑無垠高屏張翠錦萬
皺粲以繁深谷闢仙窟洪濤相吐吞亂石橫中
央龍升猊虎蹲大江流日夜萬古蒼波痕
武皇昔過此履險勞至尊千尋施鍊繩望中於
焉存惜哉雙楫駛危坐意欲騫夏日山中居有

客來孤村手持白紈扇一見驚吟魂大觀宛在
目妙勝難具論想像遂成詩才薄聊爾云

擬北斗詩

嘉靖歲癸卯八月晦寒露秋高氣蕭瑟草冷蟲
悲訴董子投戚姻扁舟抵昏暮入門然明燈有
客成良晤夜靜語欲稀執手入階步天碧河漢
明長空絕雲霧舉頭視微垣駭愕俱失措北斗
竟不見此夕夫何故微宿競爭雄顯曜乖常度
挿子已疑虛揭柄何煩賦嘗聞唐一行七豕能

占捕無乃下人間白龍魚服誤元氣孰斟酌天
樞失其助太史寧不知玉川可噫鳴茲晨傳揭
曉鹿鳴廣賢路文昌拱東壁天香騰玉兔得非
避奎光潛輝歛其素佇立久嘆嗟輕寒襲衣布
就枕不能安中宵寐仍寤攬衣雞初鳴倚檻遽
北顧始見四大星煌煌照南戶樞璇在其上權
璣如貳副精彩新相射稜角儼可怖餘三稍出
地挺挺若撐負矯然一翻身萬象皆傾慕華蓋
不孤獨帝座有衛護天理已昭晰內外安厥部

再拜謝天公如受百朋賂感此遂成聲爲詩錄
文簿

苻離

石梁偃蒼龍清渠繞其右是爲苻離鎮我行適
及酉下馬投主人月光入東牖導余觀禹殿歸
然在藜莠斷碑相枕藉龜跌落其首爲言此黃
河屈指去未久東流入淮甸名曰小河口帆檣
皆輻湊物產甚殷阜一旦廟忽傾碑墮河亦走
洪流竟南決此地非復舊生齒不盈千十室已

歷代詩選 明董真甫
空九氣散物不神定數夫豈偶我聞行太息下
榻且呼酒苻離宋雄鎮戎馬勞戰守竭來四百
年斯民安畎畝河流古爲患在今獨無咎東出
資漕運汶泗添一肘公家免飛輓私室無戴負
邇年乃南奔渦汝滙成藪羣流共朝宗獨以一
淮受滔天翻地維爲患益深厚遂令漕河道水
淺涯峻陡泉源豈遂竭置閘終矯揉此意誠叵
測吾將問川后所關係國脉苻離亦何有逆旅
不成寐雞鳴天欲丑輾轉遂成詩題僻留館叟

簡故篋得武原漱水二志有感

憶年二十餘獲此書兩卷壞爛不可讀補錄急
裝縑愛之不去手貴是吾邦典板本已無存杪
本仍復鮮僅逾三百年若隔千襖遠自緣時世
殊無亦經兵燹頃焉不余逢覆瓿知不免遂令
前代跡一滅永終殄悠悠昔人心昧昧何由闡
何公誰復知李尹政空善美固堂孰聞思賢碑
豈顯埋沒自胡元閱極數當轉摩挲舊墨痕珍
之等瑚璉逝言將續修不敢辭蕪謏詢芻遠必

歷代詩選 明董寶用
探授梓貧亦勉篋藏三十年時運益屯蹇奔走
衣食間此約竟難踐春雨久初晴晒暎始一展
忽睹平生心空堂淚雙泫糊踈縫脫黏蠹蝕窠
成繭茶然几案間頽敝帙益輒文憲不足徵宣
尼所嗟惋陸記歎雄石柱碑在襄峴世短意恒
多鍾情殊不淺顧余今二毛落魄類南阮無力
洪其波使爾遂流行緬懷駐蹕峰細草承秦輦
緣思招寶闡琬怪充宋苑往事不足論海晏餘
沙篆今茲太平日山惟古蒼蘚撫卷三嘆息余

懷何以遣風簷親破硯短韻續文選

吳門煙月送朱少渠

旭日發杉青薄暮次松陵片帆乘月色忽到闔
閭城闔閭城外酒旂斜撞鐘伐鼓萬人家扁舟
曉繫朱門柳畫燭宵看別院花花滿高堂酒滿
尊美人回首海東雲武原城遠滄波小陸相祠
空芳草春春夢迢迢勞問津旅魂脉脉憶交親
相思無那寒梅發賴有胥陽驛使頻

雲子石歌

歷代詩選 卷之五 五
秋濤未生沙磧虛放脚青莎任空濶峨眉隔江
招不來陰風吹人慘毛髮有石有石細靡靡千
層萬疊江干起掬來把翫得我驚無乃高旻下
雲子空堂出袖堆錯落金清玉哀聲不惡斷筭
殘珥巧絕痕麟遊鳳集犀牛蹲千年折戟鐵欲
盡萬里浮磬形微存於乎滄波費日月山骨餘
筋未終劫水仙豈得常少妍龍宮慮爾終消歇
持爾摩挲益可憐玲瓏蚰竅見青天他時擬作
高僧供乞與談經爲解纏

閬中沈龍山諫議謫丞吾鹽以詩遙壽其
父于西川曰海日初升余作長句

湘桐蜀絲紛高張吳歛楚舞鬱金香青兕兩尊
進高堂鼉鼓隱隱夜未央銅龍水下四十商金
井玉露寒銀牀鷓雞三號月墮梁北斗伏地明
星昌帝命羲和駕大荒朱輪赤驥參翺翔絳旃
彩纛擁彤幢赭旂紫蓋來東方楚萍半規浴蒼
涼瑛盤旭旦薦錦囊青銅一鏡開天光誰持膳
脂作晨粧鯨波吞吐射精芒爭獻萬寶勤龍王

歷代詩選 明董寶用 卷之三 七
熒熒高葉灑氣灑五色絢爛鳴鳳凰弱流回首
瞻扶桑下視化國同舒長樂哉瑤席深霞觴晷
影移花遲洞房綠筋生日雙眉黃笑隔清淺坐
徜徉錦屏挿天繞巴江秦駐積翠遙相望秋風
落木露爲霜瘦腰使君夢絲襦遙持萬里祝陵
岡牙籤金薤垂琳瑯微聲欲賦媿榆楊起飲沈
瀆歌東皇

夢觀太真賞花歌

游絲無力春風香悠悠行雲低苑牆傳呼壯士

解花縛紫衫十輩黃旛裝幽葩曼葉杳莫辯紛
紛散滿雲根傍太真自是司花女帝令國色催
花妝霓裳繡襪轉牙軸殷紅萬朶堆車箱錦袍
使者隨花去雖有蜂蝶無由狂羣仙笑坐石函
上華裾素腕垂鳴璫玉容盡是掌書吏金鈿掩
映姚家黃紫磨色貴肌體重不似飛燕輕翱翔
滿身芬馥欲透骨如帶雞舌從虛皇誰哉給與
衍波紙揮灑麗藻卑高唐

觀東坡自書赤壁賦墨蹟歌書與傳堯俞

欽之者仍自有東戒欽之勿出示人恐
致謗也乙巳十二月十四日觀于文衡

山坐上

我來吳門值玄冬登堂端拜衡山翁翁能爲我
出奇寶錦囊自解親題封赤壁有賦滿天下肯
信真蹟今歸儂空堂展卷驚復喜摩挲珍重情
何窮麝煤香膩蜀箋滑秋毫筆筆皆藏鋒珠明
貝潔色溫潤蕤披蘭茁春暄融龍鱗偃戢鳳味
合麟趾仁厚犀紋通沈沈清廟奠圭璧几几赤

烏行王公骨肉勻稱多體態但覺秀麗無冶容
宋明相距五百載宛見眉宇熙寧中伊昔蛾眉
孕靈氣奇才下降人文鍾東遊京洛名擅世虎
視六合稱宗工帝王雖憐時宰忌雪泥踏徧南
飛鴻醒從廬嶽詠瀑布醉向宮亭聽石鐘天成
奇事在壬戌又遣仙跡留江東當時老瞞已無
漢欲取建業爲行宮江東君臣總豪傑一炬萬
舸皆成空區區勝負常事耳古來何地無相攻
一經題品遂殊絕江山千載增妍雄令人夢想

歷代詩選
卷之三
李生笛欲奏一曲驚魚龍羨翁此卷自誰氏後
代極荷收藏功坡仙遺墨世豈寡要此賦稿爲
難逢譬之右軍妙書法蘭亭真帖尤尊崇從前
細翫惟恐盡後讀手簡心忡忡先生以才逢彼
怒斥逐坎壈灾其躬深藏欲晦不可得如玉有
氣須成虹丁寗欽之亦何益膾炙已入人心胸
爲公掩卷三太息晴簷四座生悲風偶然成黨
豈公意無端下獄羅羣兇人從殿帥換羊肉身
在齊安殮二紅金蓮歸院慟地晚玉帶畱寺圍

零慵操瓢昌化有春夢焚券宜與無定踪於乎
寂莫身後事贏得美謚名文忠了知一切皆泡
影何用萬卷空雕蟲不如此夕一尊酒醉影與
客俱鬢鬆低頭再拜謝衡丈人情萬古將無同
願翁牙籤筠帙勿輕洩吾恐六丁下取驅豐隆

金山寺

孤絕江心寺煙波接渺茫浪花浮石磴帆影落
僧牀金碧輝天界歌鐘起下方月明潮落後倚
檻聽鳴榔

山中夜

月色當亭午松陰下角巾無言意自足危坐境
俱真寂寂林中夜熙熙石上春竭來知此景持
似蜀山人

雲山圖

衆綠獻秋色寒山生夕容林間靜茅宇雲外響
村春落日行文豹澄江飛斷鴻遙憐徐孺子一
榻坐千峰

晚洲

薄暮漁樵散幽人偶獨來長吟聞鳥過兀坐見
萍開遠樹煙中暝孤雲日下回十年藜杖意得
此碧溪隈

寒夜

斜月沈青堵嚴霜起碧毫荒雞啼半夜飢鼠噬
殘更燈暗花垂顙衾寒布作稜詩成不能寐倚
枕候天明

至日

旭日輝簷宇新陽動坐隅葦葭浮漢管荔挺茁

周書雲物千官喜
冰霜九地甦
長吟試蒲屨
短褐問梅株

除夕

老去蹤猶寓
更闌意不禁
平生椒葉酒
強半客途斟
代鼓千家市
焚香五字吟
多情是紅燭
的爍綴黃金

立春日

甲辰王正月
癸卯午初分
梅瘦花無賴
溪寒水有紋
受徒開几席
呼僕議耕耘
獨立蒼茫外
煙

光滿紫氛

七級閣有感

昔年于此地
燈火會家兄
今夕思前事
關河聞雁聲
春寒輕復峭
鄉夢斷何成
欹枕篷窗下
衰顏百感生

濟寧長溝

春風吹濟水
送客下長溝
柳色淺舒凍
鄉心深貯愁
編蒲漁水戶
撾鼓進鮮舟
愧在微名裏
悠然羨白鷗

宿道士泐

斜日漁陽口青山道士磯石痕冬耗水江氣暮
侵衣浩蕩冥鴻思遲回老驥悲竹樓明日近准
擬一題詩

行過玉竦橋

正愛湖光澄素練却看人影度長虹宮牆陴院
斜臨碧水殿罨思遠映紅宛轉銀河橫象緯依
稀太液動秋風西華門外塵如海一入天街迥
不同

清明日遊天壇

佳節况逢風日好旅懷兼有故人同出城謾取
殊方適携酒行來羽士宮雲外時聞笙磬響仙
家疑與鬱羅通松軒肯慰休糧術不避緇塵每
過從

午日過東光縣

午日凄然銷旅魂蓬窗起坐強盤飧郵籤未入
青州域鄉夢先歸碧里村野館啼鶯傷逐客故
園芳草怨王孫一年兩度逢佳節負汝山中綠

酒尊

鄭家口阻雨

客懷岑寂向天涯
帆影中流日未斜
風勢欲來塵沒馬
雷聲忽動雨鳴沙
路難遙寄煙中度
夢切頻懷海上槎
奏賦未成吾不恨
故山常憶野人家

任城

三過任城濟水邊
魯中殷阜自當年
繁絃暮倚歌姬館
落絮春縈估客船
貢賦綿綿通上國
蒞

蒲渺渺接平川
青蓮居士危樓在
千載凭欄一慨然

歌風臺

半畝荒臺郭外孤
千年雲氣望中無
河流會泗趨淮甸
地勢經畱入楚都
世遠殘碑頽鼉屬
春深廢井上蘼蕪
莫將陳迹悲前古
一代安民大丈夫

彭城

彭城去畱百里強
寅癸午至棹相將
日高風微

歷代詩選

明董實甫

三集卷六三

七

水力盡天清野曠山勢長英雄戲馬已塵土賢
達放鶴留文章欲窮奇古不可得側望石槲令
人傷

舟中望嶧山

憶昔驅車鄒道上嶧山三載夢中清只今鼓棹
洪河裏緣想千峰空翠生安得便尋瑤草去悠
然獨扣石鐘聲寒岩古洞從容歷雲履雲裳快
意行

江都

聞昔揚州佳麗地春風二十四橋行才高董策
難爲用譜絕嵇琴空好聲錦纜已非前日事官
梅尚見古人情停橈欲弔當年迹惟有寒潮江
上生

雲陽

丹徒道上山色好雲陽驛前江水渾一叢碧篠
此溪影數聲黃鳥誰家園小車繞路競伊軋三
老觸舟相忿喧物色人情自變態病夫高卧渾
無言

松陵夜泊

此夕垂虹亭下宿長吟皎皎客愁新微雲過月
影在水濕氣生空寒襲人信絕翻悲家欲近夢
深猶喜境相隣獨憐蔡子慰離索調笑多方意
每真

秋晚山居

家住秦溪澗墅陰草荒村徑客難尋荷鋤自信
爲園貴賣藥聊成隱市心繞郭青山迴歲晏映
籬紅葉作秋深三年不起觀書想愛聽寒蛩太

古音

潘鍊師足疾瘳

吾師健步與秋宜華髮蒼顏謝杖藜月下習罡
頻踢斗雲中取路遠尋芝神功起廢誇丹捷瘦
影追隨怪鶴遲爲報南華莫相笑先生早已不
支離

靖江縣孤山

萬里長江此地分滄洲兩岫浪沄沄維揚東下
連淮海吳會南通入柳雲舟楫遠天紛木葉煙

波盡日惱夫君憑高欲賦無窮意慚愧當年赤壁文

紉蘭 紉蘭山

寒生白石褰裳短香滿深秋抱甕饒獨採山中先薜荔遠遊江上絕申椒憐予幽意真相得慰汝孤芳不寂寥明月離憂俱散盡湘潭黃落可迢迢

鹿泉

山麗江澄春日遲松根礪底遂伊尼寒流瀧瀧

縈芳草野質斑斑映碧漪無數角龍酣石髓千年靈液長仙姿道人偶向源頭見添得朱顏與壽眉

茶谷

陰厓黃獨未生苗苦茗回芽已數朝僧住千峰依木榻杖尋幽谷逐山樵盡輪石鉢看春意漸沸寒鐺聽暮潮西山病夫嘗未得煩師多煮不須招

九日

滿城風雨作重陽花事東籬未見黃夢逐夜鴻
驚遠道鬢先秋葉上繁霜卜居欲就飛鳧里禦
歲難逢煮石方世短意多成一笑家人又進紫
萸囊

虛堂過訪

幽輪日午駐江干茗碗聊同草榻歡蠶市光陰
來舊雨麥秋天氣帶微寒自憐顏駟年傷暮重
喜湯休句擅壇文字論心三十載荷公青眼歎
交難

沛縣元夕

白下逢春只自憐沛中看月倍凄然高堂不見
風雲氣令節還同簫鼓天故國已無南去雁新
灣時有北來船波光夜色空沙際細數寒更憶
往年

蕪湖聞雁

江濶秋深聞雁聲夢回中夜旅魂驚正憐遠影
哀明月况復寒潮下石城內顧可堪霜雪思南
征同此稻梁情明朝擬鼓潯陽柁厭見橫斜作

字行

江州望廬阜

四年不見廬山色此日潯陽亦勝遊千古風煙
江上盡半天空翠望中浮遺民已許蓮花社司
馬何傷蘆葉秋五老隔雲招不得為公延竚一
輕舟

武家穴

千里看山此最佳翠微况復有人家煙青鳥白
江天濶木脫峰寒石徑斜野艇隨風收別浦斷
霞分影抱晴沙秋容向晚光凌亂未信雲門與
若耶

黃鶴樓

地自孫劉識上游詩從崔李得名樓飄零齒髮
趨微祿搖落山川感暮秋夢澤雁來紅稻粒洞
庭帆下木蘭舟登臨一望通吳楚不為炮波動
遠愁

蠶詩 有敘

唐李長吉嘗為馬詩予謂蠶與馬同氣上應

房星其功之大不在馬下何古今賦之鮮也
余廼次其韻以配之雖不足以追蹤長吉亦
聊闡其德焉

桑葉小如錢春容淡似煙吳姬能致富不羨挂
荆鞭

春水味能甜桃花浴着盪掃連看萬蟻蠕蠕細
相銜

萬室雲髡樹千家雪滿山綦巾徒自苦紈袴不
知恩

懿筐傾露葉羅襪帶春星誤聽中宵雨寧知滿
箔聲

三冬營密室一月下簾鈎火候難調適輕寒正

麥秋

六

公子將歸雁幽娥不帶花願言速成繭鳴鳩事
青麻

七

嗟汝中園柘雖肥不潤身山東行食盡無計却
秦軍

塞上曲

搖空白浪見玄菟徧野黃羊是福餘最苦遼陽
城下戍月明清淚下吹蘆 右遼陽
貢道紆迴馬市平令嚴邊帥敢誅徵 聖主不

乘照夜白遠臣休貢海東青

右山海關

洗劍潮河水滿川彎弓古北雪封韉將軍好著

燒荒令莫遣花當易視邊

右薊州

疾風衝起馬毛乾萬壑千峰瑣塞垣信是上都

堪避暑由來六月鍊衣寒

右宣府

桓州西去驛荒涼李信屯邊草不芳白髮老兵

知故事細將沿革說

昭皇

右獨石

千里邊墻殺氣橫陰風吹滿駱駝城好驅鐵騎

搜河套擒取名王靖虜庭

右榆林

朔方一帶重環靈何事皇天不厭兵千古賀蘭

山上月當時曾照漢家營 右 寧夏

雁門不見雁臣過惟見驚鴻下短莎喚醒十年

鄉國夢一行寒影下嵯峨 右 雁門

武威張掖至燉煌自昔屯田足外攘莫說明初

關外事數聲羌笛轉淒涼 右 玉門

臨清柳枝詞 有敘

昔楊鍊厓瞿存齋皆有蘇杭竹枝詞以形容
其艷冶之盛予謂臨清亦四方水陸一大都

會也顧人不好文地不產竹頌聲弗聞非缺

典歟予乃作柳枝詞十闕以寫之蓋陳其實

以獻俗亦觀風之遺意云

銀條首帕髻中蟠茜子紅裊膝下欄行過浮橋

寺中去往來多少駐金鞍

西 二

春早持齋一月餘羅衣初試覓香車丁寧夫婿
巖齋禁頂上歸來始破除

三

歷代詩選 明畫寶甫
結束腰肢細可憐
女奴相送上鞦韆
風光又是清明近
墮却金釵記去年

春早四
兩涯水長閘門開
郎上儵船及早回
到了南中須記取
好梢吳下彩箋來

五
行行簷樹碧陰森
綠戶朱簾粉堵深
睡起日高無一事
紫囊惟費買花金

會六
向晚涼風生玉搔
隔窗明月轉蒲萄
侍兒夜夜添新水
催得茨菰幾尺高

七
初學琵琶巧有餘
四絃入指似傾珠
錦鞵徐跨青郊外
畫裏明妃較不如

八
吳楚帆檣滿上遊
臨洮客子幾經秋
莫言容易拋鄉井
只見笙歌不見愁

車中自贈

三千里外只單車二十年餘尚束書潦倒不緣
明主棄江南山水樂樵漁

東昌寄故園書

忽聞鄉語動離情欲寄平安百感并封就一緘
題寓所始知今日在聊城

望惠山

未飲中冷思惘然惠山仍作望中泉何時一杖
尋靈髓石白雲青作散仙

蓉菊圖

冷艷幽香水底明湘娥暮倚兩娉婷滿身風露
橫塘曲糝點秋容太瘦生

吉陽夜泊

日沈西浦水無涯月吐東山影尚遮魚米濱江
成市井帆檣收港傍人家

計程口號

金陵西達九江城九百煙波九日行送客楚山
隨岫轉伴人江月徹宵明

石倉十二代詩選

明三集卷六十三

終

石倉十二代詩選

三集卷六十四

南湖集

大明

高郵張紘
後學曹學佺
閱

村居喜友人至

得酒字

榻來雲水村談笑親野叟
偶逢良友至暫得同
杯酒涼颺生碧瀾清陰轉
高柳雀啄桑椹落燕
飛花影揉情話歷親戚
真飲忘前後君問此何
鄉鄉名無何有

傷逝

雲鴻懷故侶渚禽戀舊羣同心一朝失何異比
翼分褰帷無所見入室無所聞徒見壁間桁疑
塵暗故裘撫膺一歎息淚下何繽紛永夜不能
寐暫寐還見君茫然昧永別執手共殷勤心知
非實境忽忽不自欣熒熒牀前燈照此鰥居魂
起坐發長慟燈光爲我昏

元夕病中

開歲紛人事倏焉張燈時于時積陰後豁然開
天帷長衢濺輕塵圓魄流清漪金鞍競流電文
韞交相馳燦燦陌上女翩翩里中兒笑歌互贈
答手把寒梅枝予夙惜令序童穉情在茲負疴
迂心賞良夜空遐思遐思亦何爲擁衾自詠詩
覲彼知音賞不愧巴人辭

九日獨酌

嘹嘹雲間鴻燦燦籬邊菊閒居愛重九傾我樽
中醪獨酌復獨歌不覺成頽玉醒來拂几席開
卷還自讀古人去我遠卷上存芳躅少年懷耿
耿老大傷碌碌浮雲彌四野高風振林木風雲

歷代詩選 明 張世英
一何慘感此歲華迫努力躡前修無爲中道畫
崇陽除夜燕酌

煌煌公館燭滴滴松桂雨相對歲除夜懽情羅
酒鋪啞啞共笑言靄然傾肺腑道真畧禮數意
澹忘簪組嗟予誠薄劣竊祿佐大府雖忝杲之
幕尚慕樊生圃蕭蕭巾中髮逢迎爾良苦前月
白官長承命出行部驅馳駑駘力矻矻終莫補
向月歌黃鵠臨風詠鸚鵡感此柏葉觴晨朝表
已五先賢知非年而我又焉取安能事羈束但

可龜魚主沈沈聞夜漏統統傳街鼓飲罷意茫
然兀視簷間宇

過彭澤弔陶淵明

淵明宰茲邑小試用世才束帶見督郵誠亦禮
所宜不肯一折腰悠然賦歸來歸來三徑裏對
菊傾酒杯高風灑六合千古誰與偕歸舟此何
夕明月孤山湄停橈酌江水奠歌榮木詩昨非
不足究今是庶可追

自承天至溇港小舟踟促投野寺小憩逢

僧圓鏡禪談頗詣玄奧幽興所至乃不知身之在塵境也率爾染翰而賦是詩我從朝天回泊舟澹港曲曠澤渺煙水踞居對雲木逍遙事幽尋窈窕投深谷值此空門談灑然謝塵牯有若冒煩蒸而得清泉浴伊予抱孤性雅志在幽獨尚慕支許游高蹈從所欲來往青山阿飄飄騎白鹿只今便可爾焉俟詹尹卜

三月一日應城道中

侵星發征軒明發抵應縣輝輝扶桑日迢遞照
芳甸我行已暮春屬日感節變皖皖枝上禽翩
翩沙頭燕碧草何萋萋飛花亂如霰羈紲乖賞
心驅馳違夙願川原未可窮茅茨夢屢見小憩
臨清流塵容彌自歎

游子吟官塘驛次韻廖學士桐山篇

游子日暮悲河梁故鄉千里雲蒼蒼楚江露冷
芙蓉落湘浦風來蘭茝香故壘烏啼旌旄旒旒一
帶煙光暮山紫斗酒赤壁吊遺迹英雄事逐東
流水江上秋風正及時何爲案牘無停披人生

歷代詩選 明別世
四
百年適意耳荒謀浪作沈江碑夢憶小堂巢翡翠
松蘿鬱惹煙霞氣蕙帳空令猿鶴驚煙波不見
魚書寄煙波煙波柰爾何關山迢遞客愁多
耿耿深衷向誰語郵亭獨坐賡長歌丈夫腰間
懸巨闕精光射斗時時發彈冠解組各有爲碌
碌安能淹歲月歷觀往古到于今青史勲名幾
度新未能虎穴稱奇士且得漁竿伴隱民

遊西山

武昌王尹爲予言此有勝景名西山蘇公昔日

屢遊眺至今遺迹留其間侵晨迂道策羸騎緣
雲拂霧登層巒秋深其苦正結實砂紅漆黑紛
斑斑山巔古寺不知代白雲丹壁深廻環叅天
松櫪相翳蔽餘地雜種青琅玕天風時時一磨
戛瓊珮響徹千飛鸞石洞暗滴雪乳濕山腰迸
出清泉寒老僧儀狀類野鹿迎拜道左緇衣寬
引入荆榛看古碣苔蘚剝落文多漫云是蘇公
厥弟轍紀載勝迹爲兄刊蹇予平生愛崑壑往
往幽夢青雲端竭來鄂渚就微職奔走官府無

歷代詩選 明別世文 五
時閒簿書堆案訟囂集累歲逋欠徵難完青山
對面若蓬閬渺隔瀛海何由攀今日恣情此山
景籠鳥飛空駒脫閑緬想坡翁慕高趣竚立悵
望慚塵顏從行錢生年英妙意在道義非遊觀
其來樹下講文字環立問難皆衣冠不辭巨觥
引滿爵文談借酒申交懽嗟哉吾道樂如此安
得至老不言還

過九江懷古

樂天初謫尋陽時夜聞琵琶淚濕衣人生升沈

等夢幻何用悽悽兒女悲賢者從來固難度未
老抽身慕林壑華顛賞徧洛陽春豈異冥鴻在
寥廓自傳先生號醉吟白雲紅樹碧山岑揚柳
櫻桃日歌舞世間何物嬰其心連昌才子齊名
久晚節低摧名益醜更有平生槐棘賢其露一
朝同白首相州相公勲蓋世醉白名堂仰高致
雞林傳播購千金豈識珠璣乃餘事朔雲寒日
晚停舟重想高風不可求安得元長生金世爲
公執策與同遊

中秋夜醉後用李太白詩韻

今夕何夕中秋時先生乘興將何之騰馭清風
窮八極鵬搏九萬焉能隨嘗聞天上多宮闕婆
娑老桂仙香發便邀素姊共遨遊霞帔霓裳光
出沒酌以玄霜玉甕春九霄深處迥無隣約我
飈車朝紫府羽幢翠葆從真人而余雅意在山
水笑指碧雲徐議此且復隨緣混世塵狂歌放
浪煙花裏

宿僧舍次僻間詩韻

清風西來積雨晴千樹萬樹鳴蟬聲平波渺渺
接天迥小舟飄飄乘月行夜扣僧扉借寢榻曉
登田隴觀秋成人生適意卽樂地安用擾擾榮
名爲

題四景小畫

春水滿泗澤

東風幾日桃花雨溪面強添三尺水灩灩平臨
楊柳堤溶溶新漲鴛鴦嘴溪上人家小結廬一
羣鷗鷺伴幽居綠蓑老子來何處短棹輕舟呌

賣魚

夏雲多奇峰

火龍鞭急燒南嶽蒸薄羣峰上寥廓高橫天外
碧嵯峨亂聳霞邊紅錯落千姿萬狀變來新渴
死塵中逐日人惟有北窗高卧客清風一枕看
能真

秋月揚明輝

金氣宵凝寒泣兔方諸濕透三危露素姊娟娟
弄羽衣丹花歷歷搖芳樹沈沈萬籟寂無聲獨

倚高樓看到明寄語天公憐好夜休教玉宇片
雲生

冬頰秀孤松

孤生松樹柯如鍊嶺上深冬秀風雪風裏時時
作鳳吟雪中挺挺森龍鬣遙想幽人重歲寒清
謠終日對盤桓祇今世少陶元亮縱有孤標誰
解看

寒食日泊張家灣

下第思家客歸舟屢日停自憐塵面黯相對柳

歷代詩選 明別世文
條青細雨春寥落驚沙晚晦冥日長無以度時
復把殘經

端午寓金陵作

風雨端陽日江山建業城
徭狂猶逐客羈旅尚
浮名鳳闕凌霄迥龍舟競渡輕
浩歌傾一盞佳
節獨含情

中秋雨

菱藕中秋節菰蒲水北村
浮雲還倚杖急雨更
移樽湖失魚龍思燈銷蟋蟀魂
沙鷗元自在隨

意近柴門

崇陽元日試筆

霏霏山館雨已復度新年
桂古青青葉芸清細
細煙雁書天北迥鳳曆日南躔
感激知非後吾
今愧昔賢

嘉魚縣雨

駐節沙陽邑煙江景色深
長風吹赤壁細雨暗
烏林渺渺懷賢意悠悠弔古心
湘臯春草碧日
暮欲沾襟

發嘉魚

積霧暗江郊
流泉響石橋
崇岡分赤壤
細路入青霄
冬暖宜茶葉
春陰長麥苗
淮南芳樹綠
幽思若爲招

碧石渡

長隄橫碧石
野渡葦花繁
水淺留魚少
天寒磧雁喧
雷轟古塔折
蘚翳殘碑昏
漁家傍沙渚
寥落不成村

有戒

一望惟江水
無從問地名
吟詩寒雁過
隱几渚禽鳴
雲黑天無影
風多浪有聲
惟是城南樹
知予宿昔情

采石弔李白

維舟采石處
却登蛾眉臺
詩仙久淪沒
雲髻空崔嵬
孤月千年照
長風萬里來
祇應江上境
髣髴見清才

村居

塵囂不可住
此地且爲家
漠漠春煙合
依依汀

歷代詩選 卷之十一
樹斜片帆來極浦一雁下平沙野情隨杖屨小
立欲棲鴉

雪中題黃鶴樓

飛雪滿江濤凝華深復深江頭有高閣乘曉一
登臨雲樹空中影關山歲暮心因之懷郢客對
此發長吟

詠白髮

好是睂邊綠翻成鬢上皤侵巾初的皤入鏡漸
婆娑慨發椎圖客悲生玉貌娥人情輕淡薄世

路足風波銅鑷芟難盡金丹變轉訛貴來寧免
得老去柰渠何惟有三湘別偏驚一夜多

九日寄西樓

蕭蕭卧病過重陽獨憶山翁把一觴爲感歲華
歌慷慨不堪人事日荒涼雲中白雁書不至籬
下黃花他自香安得良方愈脚疾登高仍佩紫
萸囊

寄孫南崖

欲追清會夢難尋千里相望共此心高論感時

還慷慨壯懷隨世且浮沈杜陵老去依嚴幙宋
玉秋來動楚吟暮倚危樓獨凝睇西風吹起滿
城砧

幽居疎筆久矣湖鄉秋雨大水沒田撫事
興懷輒成二首

湖上雲垂白晝昏不關時事也消魂秋風寂寞
魚龍窟暮雨淒涼薜荔村渡口斷煙羣鳥集崗
頭殘柳一家存此時吟罷重回首落葉堆堆半
擁門

積雪空簷滴未休客懷蕭索奈何秋紅蓮水濶
鴛鴦喜白露天寒蟋蟀愁風木聲中長夜感煙
花叢裏昔年遊不須更把青銅照已覺清霜上
黑頭

中秋日雨

長颺驚冷入簾櫳四壁蕭蕭語候虫暮雨不休
神女峽秋雲還掩素娥宮桂花影斷金尊裏蘭
葉香消玉露中仰望圓光不能寐關山迢遞思
何窮

送涂惟靜回鄉

曾將鄭縞贈離筵回首東山又幾年
千里交情詩卷裏一帆行色酒杯前
匡廬日出山如畫彭蠡雲開水似天
此去羨君多逸興秋風鵬翼看聯翩

七月十五日湖中

落日放船真是好紅霞碧樹未能回
長年歲月消書卷此際煙雲墮酒杯
無數蒹葭相向舞有時鷗鷺自飛來
空明入夜天風疾吹入中流更

快哉

次韻顧子安滄州對雨

多事其如林外鳩直將風雨滯歸舟
泥沙燕子不知倦簑笠漁人真自由
蓬榻幾番驚夜夢柴門何處遶春流
城南二頃湖田在却憶芳原好放牛

田舍卽事

湖波渺渺樹遙遙此地何如在市朝
花外老翁歌拽杖柳陰童子卧吹簫
因觀雲氣朝登隴爲

歷代詩選 明別世文
愛煙光晚過橋醉跨耕牛君莫笑久思山海逐
漁樵

送張思欽舉人次孫克明韻

渺渺湖波送客行依依煙柳識歸程楚江細雨
鷗邊潤秦嶺浮雲馬外橫已見若才如倒峽誰
令我意似懸旌清尊玉麈論文地燭暗西窗夢
自成

賞牡丹

年來多病負花枝今日春光賞未遲自有穠華

增麗思不勞檀板促新詩錦幃捲日初開處寶
鼎沈煙欲醉時珍品故非凡骨狎可應韓令不
曾知

賀李維喬新婚

仙姬承節下瑤臺雲擁雕車五色來香霧貼鬟
簾未捲花容驚目扇初開乘龍已見青霄近翼
雁新翻赤錦裁自說通媒慕高譽間關詩就信
多才

北阿鎮留題館人壁

春來閒過北阿城一路題詩隱姓名晴日暖風
遊客興青芻白飯野人情偶來茅屋同飛燕獨
立花叢聽嘒鶯日暮歸鞍何處去數行煙柳鎖
蠻營

小雪用陸魯望詩韻

拄杖行吟歲暮天匏冠短髮睡來偏溪梁水冷
無魚到湖渚沙清有雁眠嘯罷白雲生憤外歸
來黃葉滿階前農人不厭連陰苦謾喜占逢大
有年

利國登車次顧子安韻

雞聲催客曉登車仰視天河月未斜
非壯歲小窗殘夢是誰家上書北闕心猶切結
社東林意轉賒却憶去年湖上路寒驢衝雪看
梅花

宿瓜洲五岳樓

仙家此地有餘清倚檻仍聞弄玉笙千里瓊瑤
春月色一樓風雨夜濤聲江光閃鑠金山寺樹
影參差鍊甕城借問煙波門外客幾人登眺得

閒情

八月十五夜賞月用許渾詩韻
金山寺
爲問銀橋汗漫遊何如清會到瓊舟
明珠映酒光難定素浪侵衣濕欲流
積雨晴時當此夜片雲消盡見中秋
百年高興逢知己不道胡牀庾亮樓

春日寫懷

用節氣名

獨立春風玩化機
同雲小雪弄霏微
落花風大寒猶峭
布穀雨餘聲乍稀
湖面波清明
雀舫渡

頭沙白露漁磯一
春分日候官府煙
雨水村何日歸

正月十四日車上作

攬束衣裘夜半興
車人門外已催登
風掀塵土渾成霧
霜着鬚髯盡結冰
長路隨身惟有月
良宵開眼不逢燈
一名牽繫今如此
欲濯滄浪恨未能

送別顧子安

憐君遠別病中身
倚棹河梁問去津
故國雲飛

常在夢長安花發不知春枕邊釋悶占龜兆陌
上低顏避馬塵世事年光兩遲暮風沙回首一
沾襟

興國館中次吳東湖詩韻

驅馳歲暮征科急蕭散吟詩恐未該跼節江亭
寒鳥下支筇楚岫凍雲開朔風鴻雁愁邊迥微
雪園林夢裏回滿地瘡痍慚莫補魚符使者幾
時來

遊白雲洞作

夢想鹿皮海上行招邀仙人遊五城雲中黃鵠
久不至洞口白雲空復情剗心篇翰楮葉細過
眼寵光朝槿榮寄聲棲霞羨門子吾將從爾謝
浮名

通山道中

千崑漠漠暮嵐生雲滿江天雪未成流水潺湲
如自語好山重疊不知名峰迴或見旌旗閃夜
靜偏憐鼓笛清償此勝遊憑吏隱向來猿鳥莫
相輕

通城立春日小雨用韻

此日青皇開令辰
 銀山雋水氣鮮
 新即看膏雨
 蘇芳草正復停雲
 憶遠人細灑鷗沙
 湘浦曉輕
 飄鸚渚楚江春
 年華自省新增業
 但覺清吟趣
 更真

憶南湖諸友

鳳曆頒時下北辰
 畹蘭汀蕙寵光新
 回看楊柳
 溪頭墅遙憶蓮花社
 裏人畫舫朱簾明
 綠水銀
 箋絲筆闔青春
 拂衣浩蕩煙波外
 終欲追蹤賀

季真

穀日同南雋游錫山寺用杜韻

盤旋石磴入雲遙
 俯瞰三湘瘴霧消
 甲子日逢
 還在穀梅花風轉
 不驚條老僧狀貌
 同麋鹿上
 界光陰別市朝
 便向真人求妙訣
 盡超雞犬上
 層霄

桃林舖

桃林舖前山陂陀
 軒車三月兩經過
 昔去素霞
 臘未破今來綠芳
 春已和歲月流轉
 忽如此風

歷代詩選 明別世文
塵奔走將如何仰首飛鴻沒煙霧慷慨東風聊
短歌

山陂驛次吳東湖韻

驛館停車望古陂東風綠草徧天涯遙空淨見
春雲度長路清憐隴月隨江上歲華玄鳥識湖
邊心事白鷗知沅湘日暮饒幽思薜蘿芳蘭總
索詩

同汪南雋重遊金盆寺

紫廻石道暗雲杉樹底僧來拽紫衫鶴舞似欣

曾到客龍蟠還記舊遊崑塵心悟得聞金磬嵐
氣飛來濕寶函歸去征軺幾回首蓬萊斜日半
猶銜

舟泊蘄陽懷百潭

磯邊楊柳欲棲鴉堤上人煙近萬家防老預尋
斑竹杖消風還乞白花蛇中流浴鷺深深沒極
浦征鴻箇箇斜回首鶴樓懷舊侶夕陽煙暝一
聲笳

公餘讀書作

明時不用歎長沙且向遺編詠聖涯
眼暗夜便燈燦燦心清時對篆煙斜
逢人說宦魚堪食畱客論文酒費賒
國賦畢來民訟少更將餘興作詩家

送幕官進鮮之京

幾年幕下夢趨朝此去寧辭道路遙
包匭歲脩三楚貢畫船春逐九江潮
菲菲芳佩紉蘭葉眇眇吟情對柳條
聖代簡賢方念遠會看恩澤下層霄

二月二日華容寺題用許仲晦韻

湖邊茅屋深蓬蒿陌上車塵何太勞
崑林駐馬雲煙冷野寺入門鐘鼓高
梅花顛倒舞斜日草色微茫連斷壕
豈惟柳枝青孃孃聞道新紅已破桃

九峰寺次韻

飯罷禪堂且暫畱百年茲地亦清遊
雲深半沒巢雲鶴雨霽猶聞喚雨鳩
泉溜不知何處響山松更覺坐來幽
忘機最是三車理會與支詢共

討求

次韻皇甫百泉赤壁

滄江赤壁連開席此地頗經賦客過
夢雨祠荒山自綠弔湘人遠水空波
明時豈墮青雲志郢下真聽白雪歌
君比賈生更年少卽看搖佩步

鑿坡

金陵清明日偕纁柎二弟飲姪膽館用韻

春來夢遶水西田坐對東風一惘然
吳地風塵淹去馬楚鄉花木怨啼鶻
三年寒食家山外此

日清尊弟姪前想見柴扉關細雨自將榆火試

新泉

贈弟柎

春雨濃簑湖上田酒闌因話意翩然
由來水裔多楊柳何處天涯無杜鵑
南國年光青鏡裏東風歸思綠蕪前
乾坤勲業須年少欲把塵纓濯

野泉

詠南湖梅花

野老幽棲湖水濤久無年少惜芳心
偶看素艷

驚春早每對疎枝到夜深水濶不妨香遠度窗
虛偏着影斜臨經行記得寒江路幾度飛來雪
滿襟

二
粘天煙水隱孤莊莊上惟多白鳳凰種玉人家
居絕島弄珠仙子倚橫塘月中啼鳥渾疑夢雪
裏騎驢更覺狂誰道寫真無妙筆醉醒紙帳有
餘香

三
燦燦霜花照水鄉神遊多在月昏黃誰令寒谷
生春色自詫貧家有夜光地迥未愁羗客管簷
晴猶憶美人粧曾聽黃鶴樓前笛吹入江城更
渺茫

蒲圻道中

龍蟠春雨金盆寺勝槩他年夢不忘此日衝泥
山下路東風回首石橋長

二

紫翠周遭山復山不應此地是人間停車崑畔

歷代詩選 明張世文 卷六十四 十一
須臾坐啼鳥一聲烟景閒

三

春氣浮空漫不收飛飛煙雨濕滄洲松蟠石頂
亭亭秀水抱山根瀲灩流

四

芳蘭日暮思湘君渺渺蒼梧只見雲一帶青山
飄雨急更愁神女濕羅裊

清水鋪次壁間韻

瑟瑟涼颼山木秋山鄉民瘼正須求如何公館

連宵夢只落南湖把釣鈎

純德山道中

重岡疊嶺護煙霞樹暗園陵溝水斜燕子飛飛
寒食路春風吹落野棠花

泊湖口大雪

湖口停舟雪亂飛層巒高閣白參差寒風吹起
粘天浪萬里空江欲暮時

絕句

故鄉北望路悠悠日日江樓獨倚愁况是一年

春欲暮落花飛絮滿東流

石倉十二代詩選

明三集卷六十四 終

天泉芭里空武燈暮都

白軒

寒食

小風大春

木芬

重岡

移樹

木松

木松

蘇山

廣

廣

廣

石倉十二代詩選

三集卷六十五

鴻泥集

大明

江陰薛章憲著

後學曹學佺閱

荔枝

并引

荔枝龍眼遠方之珍也近出海虞二顧氏石

翁有作止及荔子要余和之余恐龍眼或不

能殄厥愠也乃用翁韻同作一首以寄主人

未同而言似亦可笑翁亦安能遂已于言耶

楚橘淮可植閩荔吳得栽地力費旋斡天巧煩

穿裁入耳卽欣然撫掌何快哉美合賦曲江怪
宜志齊諸東海度朔桃西岡大梁梅休文始有
疑辟疆初無乖疾足走蹠躐遠目勞紆迴妄意
祇應謬旣覩元非詒瓊枝細裊娜黛葉紛蕪蕞
手足喜斯猶心目豁然開郵傳衆聘貽聚觀互
驚歎函盛願致子粳播期生芟歲得十萬顆日
啗三百枚僊襦蹙羅穀甘漿嚼瓊玫禮接比嘉
賓保護如嬰孩丹櫻眩朱唇紅梨映頰腮博望
句若榴曼倩遺叱來分畦列馬目闢壤規鹿胎
錢罇時自操壺觴與之偕魚鳥來相親蜂蝶亦
可媒百年會有終萬劫從飛灰

黃秋官明甫捕蝨

天子不合圍諸侯不掩羣維蝨衆所惡司寇誰
能原饕豪走供帳卵育蕃裊蹲杳等蝨蚋紛
紘類蠶蠹污垢乃變化牝牡仍媾婚行爲雁鴛
行聚若蜂蟻屯敝服承負塗深縫羝觸藩緣鬚
動冤旒蹲甲懸車輪總總聚徒侶鱗鱗多仍昆
悶癢劇芒刺搜抉加掀幡士蔚寢復搔景畧談

歷代詩選 卷之六十五 二
且捫湯休晉陽灌火攻卽墨燔披蹄掩兔兕胥
足追放豚州州雞俛啄伎伎鹿斯奔孥戮無噍
類族誅非少恩典獄本中聽京兆多平反利口
自速辜駢頭敢稱寃

突泉

感沸趵突泉發源自王屋伏流溢爲滎隨運陶
丘北黃山渴馬崖入地乃更伏潛行五十里突
爾出平陸曾不舍晝夜東匯成川澳乍似滄浪
水浴出三百鵝浮波漾漣漪刷羽碎霜殼更疑

清冷淵白龍服魚服偶爲豫且制噴氣灑寒玉
蒲荷相蔽虧渟泓見睂目塵容庶可濯鳧藻舞
瀟淖踟躕不忍去仰視白日速

華不注山

岱宗羣山宗歷覽已宜飫云胡未屬厭更覓華
不注城東十五里欵段聊緩步到山卽所見厥
美殆不啻石色類漆黛磊落相撐拄了無空隙
處不受塵土漬端如青芙蓉葢葢出平地下有
誰山湖久矣成沮洳想當未涸時臨水更嫵媚

何時役千掌畚重行當具四十五萬丈老葑一
以除湖山反舊觀民亦飽秔稌

憶夏時望

東方有佳人雅志尚孤潔脩然冰雪姿不受纖
塵涅前身素苧翁茗飲寒泉冽樂哉一日留行
已三年別思之杳難卽渴吻心菀結懸知兔豪
觥竹間爲余設

觀泉

翠壁森萬丈隙穴知誰剜
如香爐峰巖空落
驚湍觸石紛瑣碎濺濺珠落盤至人心玄漠
盡日支頤看豈惟毛骨爽亦復清肺肝江月照一
色颯颯飛白鸞

閔馬牛

京師百貨全商賈日夜馳羸馬牛驟驢其背無
完皮瘦骨疑可數枵腹恒苦飢負重或時踣仰
天鳴聲悲圉人怒裂背鞭聲如鼓輦羨彼立仗
馬目光射彤墀障泥金連錢玉勒鞞青絲朝塗
雜雕胡暮秣仍香箕貴賤夙然異咄此知誰尸

歷代詩選 明詩卷之四
落花着茵席糞溷將藩籬醜好隨所寓造物豈
爾私去去勿復道已矣將何爲

示睿卿弟

吾家從兄弟屈指凡十人螽斯羽蟄蟄麒麟趾
振振我年忝最長嗟哉不逢辰讀書二十年尚
爾折角巾朝舖或待晚夜坐幾向晨盪舟歷山
頂伐輪置河濬飲茶豈不苦集蓼豈不幸所幸
舌尚在終無愧儀秦豹隱會須變雙屈終求伸
斐也甚好學矻矻圖知新哲匠工斷斷良農務

鉏耨謹勿似老兄半生坐因循

次韻石翁月下遊千人石

媧皇補天餘棄捐聊置此神功餘斧鑿鬼手加
礧砥露華旦生白煙光暮凝紫彼祖安足云他
山敢云美區中恐無雙宇內知有幾晝喧比闐
闐夜寂類虛市維古貴我作乃今自翁始踽踽
非所憂憧憧固堪耻風光已足愛月色尤可喜
林木散清影吐毛涵綠水擁衾不成寐攬衣還
復起清嘯流徵商雅詠雜興比從容乎樂哉泮

渙爾游矣宴坐亦蕭然端拜固宜耳桃笙任盤
礴筇竹供屣倚玉壺湛中邊金尊徹底裏悔不
撰杖屨稍得侍冠履誠知匪當對且欲強摹擬
京中酒甜殊不慣飲寄錢士弘索翠盤露
飲量本不多僅能一合強京師住卅日居然廢
壺觴甕盎甕甕甕蜜脾綴蜂房豈無當壚人壓
酒喚客嘗甘酸將苦硬不慣藜藿腸君家翠盤
露紺色涵碧香願乞一斗歸伴我遊醉鄉倒着
白接離舞袖何郎當撫掌應大笑次公醒而狂

西華

賢性喜臨水夢憶西華路行人紛負任端如鏡
中度羣山訝屏皮勿隴疑郵布吾生消底物竹
杖兩芒屨定須了婚嫁正恐齒髮暮蘇二李十
二妙語愜情素冥心萬物表時時縱高步

城南古柳

城南有古柳倅幪如夏屋三秋增颯爽九夏失
炎溽平生好幽賞每過輒寓目奈何失所依竟
爲脂粉辱時遭紅袖拂葉暎蛾眉綠所以自愛

者不忍久佇足如何野水濱養此百圍木千條
萬條絲散空如霧縠雨翁坐船頭葛巾仍野服
收綸膾鯉魚沽酒還自漉酒酣枕蓑卧起舞真
獨速高歌動清商驚起一雙鵠人生天壤間百
年如轉燭朱顏豈常在胡乃自縛束功名亦何
爲有似蕉覆鹿所貴適意耳何必九州牧會當
了虛名過歸伴幽獨結廬傍江滸此計久自熟
君亦我輩人清灣應共卜

宿田家

扁舟阻風雨暮投田家宿田家好看客汲井具
湯沐安牀淨掃地避漏屢移燭書生信薄命焉
往無破屋賴有素心人攤書伴幽獨各飲一醖
酒各啜一甌粥浴罷竟就卧酣寢良不俗

三月晦日修禊

月眺斗建辰布席臨水坐祓除必上巳爲計諒
已左良宵乃中秋適意無不可兼旬苦霖潦鬱
鬱久未果石渠響新溜淙琤玉連瑣雨餘風日
佳景色固招我羽觴隨波流泛灑傾白墮逡巡

側弁俄盪礪解衣保流光同逝水況復迫改火
如拳紫蕨芽勝頰紅梨顆芳草綠茸茸醉眠何
帖妥薄暮更溟濛夫須猶復荷兼山苦霖霖
雙葦
雙葦何檀欒離立類叢篠亭亭媚秋池瑟瑟戰
晴昊露葉玉兼垂風枝翠相踈排撥儼牙燾宿
紛疑羽葆跂望河可杭照讀煬堪燎鴻雁或得
銜鳴鶴亦時敲蕭疎倚霜兼漣漪舞寒藻餓憶
首陽人逸美漢陰老短長各參差欹側從潦倒

獨速鸞對鏡高蹲鶴歸表雖云乏芬馥未必遽
枯槁漁歌失款乃罕音費搜討息媯共嬋娟漢
女同縹緲茁芽敦周行聚灰止流潦度地僧磨
曷知津楚員伎灌脂奔燕軍衣木免吳沼畚甬
曷重培錢鏹勿輕拘願言附松筠歲晚期共保
三五罷芳筵燈殘重開讌光華萃一堂彩艷羅
四面餘綴其下風先集拾微霰呈輝珎璫錯成
章蟻穿串流蘇垂瑟瑟疊勝環片片照耀蕊宮

開頃刻蜃樓現飾影落兕觥浮暈發甌甌步搖
 紛旒旒絡索互纏縷冰斯凌寒風雨雪欺殘曉
 萬顆夜光明百卉春色炫衝牙珩觸璜搔頭瑋
 縣瑱瓔珞出臂鞢娣娥簇眉鈿膏地炷屢續蠟
 燼友幾換欠伸客告疲燕衍主忘倦恍惚廣陵
 遊依約錢唐見日靡而不奢雖芻亦云羨羊鞞
 免雕鐫魚鮪謝鎔鍛疑是天孫織似倩媧皇鍊
 蚌胎良足珍魚目誰能銜誰謂涅不緇亦以素
 為絢令嚴浮太白揮翰速郵傳

山中雅集

首至梅花水小憩後抵觀音閣解衣盤礴久
 之操觚飛觥乃作聯句作者三人得四韻用
 劉賓客故事元夫呂姓章憲薛姓承爵則朱
 子儋也

驅車出東門連鑣破春曉山多魚麗列路屈羊
 腸遶山花茁幽厓水荇漾寒沼梵影落雲中茶
 煙起林杪盤空磴層層憑高波森森神功鑿萬
 仞佛力施三藐洞深伏虎瘖江濶飛鷗小款乃

來空冥張皇入幽眇陟崖換短屐弄水動輕舸
卷阿鳳鳴梧錦京魚在藻選勝悔已晚戒歸生
怕蚤行矣日正晡新月挂參昴

野人八珍

珍珠腊 藍豆

淵客出明珠慷慨泣釜盎蚌胎時吐沫魚目微
生浪躍錯論斗量走盤無俗狀九曲蟻穿穴弃
置多冗長笑指南山田个是真實藏貪夫事割
身顧匪食肉相捆載願乞歸蕙苾苾恐生訪

脆金鮓

黃蘗

菜甲浮黃金不受塵土浣投瀋翻手成醯醬亦
得和指顧隨咄嗟咀嚼生津唾晚菘花蔓菁一
一手親課揮鋤便可得了不費家貨牀頭三百
甕未易可消破端如滿贏金富矣窮藉大

牟脂醢

麩

於皇受厥明春籛拾弃覈玉雪真可念泔漾出
泔泔誰言繞指柔耐此凝脂白外枯少滋澤中
潤含膏液斫鮮具盤殮幸免礎几赤縷切空紛

屋个言選
明高弄雅
紘那聞奏刀砉醢醢一以薦全勝啖雞跖

菽乳煎

豆腐

荏菽何旃旃采擷盈筐筥轉磨風雨疾泫泫流
膏乳湘亨維錡釜掀翻翠濤舞雉膏謝醢酪牛
酥下鹽監鼓刀截流肪割若規生矩淮南事八
公日具山羊脯柔茹理則那未省憂齒齟

青絲大羹

肉汁清未和至味固有在和調絕鹽梅芼以青
絲帶汪然淡如水夜半吸沆瀣元脩真可人度

越千百輩操身事光潔濯濯無頗顙揮手謝庖
宰醢醬已可廢鉶羹足珍烹自視覺形穢

紫玉軟脯

瓜瓞初綴蔓膚色翠如潑嚼嚙寒冰齒肌理極
通脫投之水晶鹽橙薑助芳辣纍然竈突間光
映紫玉玦故侯昔東陵庶人固當齧端如噬乾
肺齒決愁呀豁水茄白銀色與汝有瓜葛

雪中熊掌

土膏凍龜裂芟甲僵欲死哇蔬覆積雪矮黃仍

崛起婆娑映寒玉去地僅盈咫軟美便齒頰熊
掌差可擬齊魯應避舍豈特邾莒比冰蠶能霜
霰厥理未易訾魚固我所欲舍彼寧取此

雨後鼈裘

青東刻無人固當留取此

膏雨動土脉生意何鬱芬沃壤及枯枿戢戢生
芝菌蹒跚類跛鼈輪困手自攜携之滿傾筐粲
然聊寄躡竭澤無遺餘盡物吾太忍飽食腹果
然快彼饒口吻木鷲與樹雞異出同一木

畫馬歌

...

月支驪馬頭八尺豹股龍顱仍虎脊毛色正赤
二脛白雙目炯炯如抹漆黃金沃環玉爲勒鉤
膺漏錫及偉革障泥雜組鞮繡刺團花穿鳳盤
龍飾所貴在德不以力價重何止千金直奚官
三人面醜黑頰髭奮張蝟毛磔吻聲咿嚶笑亞
啞拳髮如蠶鬼眼碧茅蒐袷構紅抹額短後襖
襠纔蔽膝兩肩高聳雙脚赤棘刺尾碇抵以蹠
定應前身是馬伯與馬晤語相嚶嚶世無伯樂
誰解識此馬何能空冀北丹青貌形銅鑄式按

圖索驥那能得驪黃牝牡存目擊相馬得墓良
可惜只今廟堂皆旦奭布列孫吳在疆場四夷
來王萬方辟身毒大宛來鞮譯塞草青青烽炮
熄壯夫耕田健婦織天廡二十四萬疋飽食芻
豆閒阜樞正恐一朝御羈勒肉飛蟻封見顛踣
雖然有備真上策廟算何苦煩藿食區區至誠
魯漆室杞人憂天果何益且乘款段驅下澤

昭君障子

生綃只尺雲模糊誰人貌得昭君圖七胡前行

後五妹馬十二疋皆飛菟一人舉旗儼先驅後

六豪酋隨指願面色醜黑頰乳豨深鼻鬼眼拳

髮鬚天然國色絕世無充耳以瑱明月珠團花

穿鳳繡羅襦娣姪靚麗顏亦都一劒琵琶一盤

盃一擎木難珊瑚珠點畫曾不差毫釐與物寫

生良不虛漢家天子真騶虞懷遠直欲包八區

于時廟堂走孫吳可汗匈奴何足俘成平講好

非偷懦不忍萬國勞飛芻畫工得金豈厚誣

君謙儀部許惠詩不果促之

蚍蜉撼樹不量力儀曹文章寧易得千鈞射鼠
寧浪發萬鎰抵鵠曾輕擲官奴文書函袖來急
起從之喜折屐似聞比置鏗有聲展視方驚責
無色卒然有請似傷廉應怪欲速非求益誠知
不屑亦教誨敢以狂言徵諾責夜光明月豈終
慳貪夫攫金甚懷僻腰緹篝火未擬休鑽堅入
深期必獲

吳水部食黃魚寄示佳篇依韻奉答

高浪拍天翻雪屋罟師取魚誇健熟亂流出漫

似有神濺濺施民窮竄伏脩鱗出水貫以柳朝
旭搖光奪人目累月登盤下箸空未省人言再
三瀆鼠肝鵬背各果然比置未應憂未足乃知
閭汝不吾欺稍願心爲小人腹恐教解甲碎黃
金肯使磨刀削紅玉因悲涸轍過魴鱠反走遂
巡思退縮妍辭寄似正復余敢不再拜登其辱
古人所見亦畧同生厚用利須裁幅

泰山泉

泰山之溜直下五十里傾厓赴壑成川流不知

何年鬼斧鑿日下滾滾無時休鯨吐鼇擲與石
鬪琤然落澗鏗琳球銀河倒捲碧海立駿馬下
坂鷹辭鞞盤渦斗絕涵倒景貝宮珠闕藏蛟虬
飛流濺沫下噴千丈壑明珠百斛飄灑誰雕鏤
先生解衣坐其下脫帽露頂涼颼颼兩涯不復
辨牛馬手弄白日逍遙遊

古木

十圍大木凌空起玉立長身多杞梓繚以周垣
何迤邐煙含霧滃雲溟委隱映日月相蔽虧終

歲鬱鬱合華滋齊女步障擁翠蕤輕䟽浮空結
翠思蘊隆蟲蟲日亭午行道暍死愁夸父藤牀
薤簟揮玉塵門巷陰陰不知暑成都八百繞幾
何木奴千頭安足多何如考槃碩人邁珊瑚木
難交枝柯

雞籠峰

天平之南一峰峙葦葦芙蓉出平地
下豐上銳何所擬名雖俚矣形則似鷲嶺巫山伯仲間
世人可望不可攀恍疑瓊姬下人寰雲綃霧縠籠

煙鬟願為琴高騎赤鯉吹笙閒伴乘鸞子嘯倚
 三花接紫藟凌空或躍飛雲履山頭霧帳隱雲
 輶洞天瑤草花冥冥統如五鼓夜向明卧聞天
 鷄時一鳴

耕田行

春雲陰陰田漠漠農夫于耜與東作襤襪短衣
 纔至髀蹠踣泥中如爵躍郊原草長黃犢肥朝
 耕百壠疾于飛平明出作暮夜歸飯以芻豆飽
 以糞誰謂田家作勞苦但願豐年多黍稌皆窳

倫生無積聚鹵莽滅裂吾何取根莠務去蓼自
 憐賈而欲盈寧惡器我庾維億我廩高一飽自
 可忘其勞

樵

廩秋天高霜殺菽萬山如赭千林秃斧斤入山
 伐我木盡日丁丁響空谷鏹屬相將日暮歸捫
 蘿彳亍搖煙霏行歌互答出翠微地擔衡門款
 荆扉取之有度用有節忍使木根顛沛揭老榦
 槎牙歷冰雪春雨一洗生條枿嗟爾樂哉山中

人結屋正與山爲隣
柞彼械樸摧爲薪
英英白雲飛滿身

石堰塘觀漁

石堰瀾瀾浩千頃
縹緲三山螺髻並
居人聚落江湖迥
出沒煙波弄漁艇
黃蘆雪色覆屋廬
青山當門畫不如
鳴榔鼓枻行打魚
盡日來往如離渠
平生踏浪如踏土
中流一葉從掀舞
得魚湘之筭及釜
生事只知操網罟
碕岬斗入生盤渦
湖扣兩舷唱漁歌
斜風細雨濕綠蓑
獨速船

頭舞傚傚

食楊梅

南村諸楊傳自古
人道卞山勝聚塢
吳船已傷宿春糧
盡說道遠且多虎
闔閭城中十日留
恰得二南東
道主鵲鳩饒舌
管陰晴意在布穀宜
甘雨物無兩便可
奈何忍見紛紛委
泥土荷檐入市走
歷碌憔悴滿筐多
些窳終朝偃僂手
自掇尚異拔十可得
五猶勝居鄉不出門
日日檐頭俱莽鹵
醉後還求茗醉君
繫船門外垂楊浦

主人好事持足陌走使山中懸重估倏見堆盤
置我前出自望外喜欲舞屬國還憐得乳羝詩
人肯信童無牯省煩不及閔仲叔刻畫從人笑
僖父

陽山大石

隕星自天着山顛與天作石知何年
飭呀最屬斷復裂欲墮不墮相鉤連
硤然蹄股躩且踰霜饗雪虐成堅
頑夸蛾負山跂一足罔象拔河聳
兩肩嵌空空罅鬼手利蜂房聯絡
僧廬懸峻層

石磴虵倒退決往未省愁攀援還從
青衣駕赤犢更覓小有窮堯玄

閱書

漫說士衡才患多終思尼父愁聞寡學焉斯殖
否則落逝者如斯豈容舍峻階崇磴拾級上複
屋重簷八窗間忽聞鏗然鳴鑠魚頗覺富矣如
金馬三耳要自百過讀一日那能五行下錦裝
錯落垂蠹簡牙籤密比差妃瓦武庫乍入眼欲
眩冊府將披面流赭上從丘索認蚪下自莊

騷滄風雅異人異書兼得之同軌同文咸輳者
隋珠珊瑚詫真竒燕石砥砭那得假步兵或遭
長卿罵司戶恰得洪厓打端如希有遇北溟稱
願昌黎逐東野披沙得金肯輕售鑿礦出玉寧
論賈幸哉可假非挈餅允矣不窮同炙輶顧予
捫腹何有哉愧我揮毫弗如也青藜丈人秉燭
觀碧山學士操觚寫龔伯尊敦祖乙尙夏后彝
鼎周王單斲輪何用論糟粕說鈴未宜輕土苴
夜光明月出淮夷青萍結綠驚歐冶垂橐而往
歸捆載探囊以取動成把穹窿本行天秘書以
有易無宜結社

早起

吹老蒹葭瓦欲霜篝燈晤語雜寒蟄先生坐擁
青綾被孺子言求白練裳黃酒辟寒烘滿盞芸
編競富亂攤牀夙心自快夜不寐壯志未甘宵
豎降炎紫團參蘆菔鮮還黃矮菜韭萍漿隔隣
甗睡時或窺對榻歡呼發出狂鼓角遞聲思戰
伐珮環生響憶趣踰旋驚燭友一寸許不道日

高三丈強輕復踰垣同泄柳聊須畏壘著元桑
鹿蕉夢醒哄堂笑燕麥吟成遶戶行手搏空拳
鑣白戰眉分曲局宛清揚高歌起鼓憚之缶突
舞行持伯也瑞力歇扶搖鵬鏃翻心驚霹靂雁
悲割淡雄翬翠飛金屑神朗蟾蜍瑩玉肪夜蹴
雞鳴思越石空橫隼擊定磻姜曾從春去傷鷓
鴉已覺秋高愛鷓鴣娜汙柳枝隨象板嗟疑瓠
齒露犀瓢麩蕝蕙苾謝藥餌拒救餒餒儲糗糧
牙頰闌干便苜蓿骨毛葱蒨倚貧簞寓公他日

人應說更欲移家茆召棠

與友人乞墨

天公不惜徂徠松斧斤入山山已童陳玄無緣
入我室陶泓毛穎無顏色踰糜月給來上方悔
不待罪尚書郎君聞此言應捧腹分惠一螺吾
便足

滌硯池

硬黃小紙臨黃庭墨花點點衝萍星波心忽散
霞霧彩鶴眼尚帶魚龍腥潛虬掉尾吞墨汁騰

駕玄霧驂長鯨

幽棲十客

軍持生

挺植為質陶乎成劑以牡蛤範以型腹如瓠壺

洞無物辨口懸河同建瓴玻璃翡翠光陸離雙

綏錦帶携偏提濡染麗澤漑芳潤安能滑稽隨

鳴夷

玉蟾翁

老翁溫然琳與球蹒跚彭亨如贅疣頗常見我

此客不姓字彷彿白與劉丹書領下九服膺形

如截肪貴連城天祿吐水巧與騰乞與涓滴資

陶泓

空乘老人

丈人向來出空桑肇自軒轅歷陶唐相期伶倫

截嶰竹吹笙彈絲儀鳳凰世人繩絲斲孫枝明

微高張徒爾為鳥飛魚躍那復覩雙淚迸落如

綆縻

豐城隱君

隱君來自延平津
 霜鏢隱起青虵文
 淬之龍泉試洗削
 秋蓮出水光射人
 邪溪之鋌赤山精
 出入爪甲鏗有聲
 雄雉神物負奇氣
 往往時作潛虬鳴
 大楮先生空桑華
 有神神淵淵自神
 衡陽價高骨相單
 冰蠶作繭裁霜紉
 似嫌處世忌太潔
 或佩五采烏絲襪
 膚如凝脂極嫵媚
 卷舒隨人可人意
 剡溪先生索價高
 空囊羞澀那能致
 不致字亦澁白與
 應共書於下以別
 亂紙

香山居士

道人昔在匡廬山
 愛渠日照生紫煙
 神遊八極向千載
 縹緲凌雲今博山
 心非寒灰猶耿耿
 飢飧餒螺甲龍泉餅
 不食人間煙火食
 甲煎龍腦應須屏

漆彫丈人

務光丈人漆彫開
 搏埴設色生胚胎
 硜硜入手金石比
 投膠自合輕陳雷
 點染墨花隣六結
 霏霏霏暗灑萋弘
 血心知匪石不可
 轉共道尚書商

歷代詩選
如鏡

宣城君

蒙恬昔封管城子諸葛近號宣城君誠懸小子
不解用情哉世無王右軍萇鳳徒知索高價舉
世知當誰並駕試令濡首飲流黃落紙當能妙
天下

小山逸老

桂樹叢生枝相繞八公來赴淮南招枕中鴻寶
惜不得却隨羽蓋凌煙霄扶搖汗漫棲崆峒呼

吸沆瀣超鴻蒙千年歸來訪舊隱下視濁世猶

壤蟲

喻糜君

玄香太守喻糜君形模漆黑光照人向君乞靈
君勿嗔願丐墨妙如卿雲文辭擲地轟金石待
以客卿呼子墨人多載酒問奇字亦或笑渠玄
尚白

畫墓

壁月光瞳矐垣垣上天東林間金背墓吐氣如

長虹呼吸沈瀦馮豐隆騰身直欲凌太空誰謂
爬沙手脚鈍有時爲祟月明中

尚白
端午畫扇

橫行挾乙有於菟脩地鬱屈偕蟾諸萬尾曲局
有卽且燂舌掉尾相與俱艾葉高懸事祛除動
心駭目欲噉嗥安得伯益放之菹窳窳鑿齒化
騶虞民物熙熙同古初

詠顧九和宅甘露

靈液孕丹霄無聲下沈寥蔗漿寒欲合崖蜜暖

仍消雲葉紛垂穎冰花巧綴條聚觀空里巷采

擷詫瓊瑤

與都玄敬夜話

故人三歲別相對轉情親吟苦頭逾白官清家
更貧高懷欲齊物燕語動驚人便擬三山去無
緣乞得身

烹茗

茗飲酬酣飲相逢罷舉觴尾爐煨楮石鼎試
旗槍旋汲暮願水仍煎蟹眼湯願言憑曲几更

聽遶羊腸慕眼水
 雙尖已辨麾刀七
 還思漑釜鬻充庖
 知甚美索
 價苦傷廉自笑洪
 厓白何緣墨突黔
 辰乎誠易
 失歲已坐成淹
 明月思玄度高
 風憶宋纖遠求
 真汗漫近取覺
 安恬郭索當先
 翊招潮亦並蟾
 緯蕭聊可障奔
 火會須拈漆搗
 橙泥醅烹宜箬
 裹鹽馬肝寧必
 得熊掌信難兼
 昔苦難知足今

來已屬厭

餘杭道中

平生泉石在膏肓
 決往那知道路長
 自要了渠
 行脚債誰能乞我
 定心方柳枝着雨
 搖新綠菜
 朶迎風舞嫩黃
 掩卷更無些箇事
 一甌春茗坐
 焚香

賀姚治中畚土

決渠荷甬以身先
 快見吾邦別乘賢
 脫屣未應
 愁赤脚解衣那復
 怕頰肩從余駮
 塚同分闡正

歷代詩選 明商秀州 卷之六 七
爾胼胝此導岍他日特書煩史氏還應貌作畫
圖傳

伯舅松泉翁宅賞牡丹

折簡邀賓走馬看人間憂惱未渠干縷金飾綠
還成朶刻玉驚圍巧作團帘幄晝藏知畏暴瓶
罌時側想愁乾僮奴指百供絃管盡日花前奉
笑歡

李氏假山

甃甃爲池石疊山眼中突兀見商顏豁訝兩洞

成巖齧縹緲孤峰出髻鬟聚烟雨餘爭跳擲鳴
禽日出鬪飛翮芒鞋布襪行當具試欲提壺共
一攀

投朱懋陽

似聞花竹郊居好幾番拏舟去却回齒少固應
愁絳灌才踈兼復畏鄒枚擬同白老呼張丈底
事烏公定石媒聊在惡詩持寄似恐嫌屐齒印
蒼苔

北野堂

高懷壯歲已歌唐錫麓曾開北野堂仕不出門
 還井邑隱仍醫國謝巖廊向非說劍遑多暇除
 是搖毫更底忙水部新篇持寄似驪珠錯落坐
 生光

索人舊研用劉後村韻

吾家舊物端溪研珍重函藏自嶺南赤裂固應
 通蠹穴紫紋元自出龍巖給秦人癖寧非蘭謁
 鄭商環直是貪試問石頭求轉語祖師衣鉢定
 誰叅

三月夜不寐

璧月流空炫九垓夫君起舞共徘徊次寥自覺
 生虛籟淵默還聞動殷雷驚嶺續紛蒼雪墮蟾
 宮縹緲紫雲回夜深更約吹簫侶兩兩乘鸞到
 玉臺

遊張公洞

東家寒驢許借我薄暮結客山中來有時山鳥
 獨自語無數野花相映開側身蟻行入窅窳累
 足魚貫攀崔嵬僕夫起矚覓歸路已去難忘首

重回

湖上

一別西湖動隔年更來重上郭門船
丹山碧樹供吟眺綠浪紅渠兀醉眠
已與畸人同脫略且從漁父共延緣
漸營水竹移家住擬學王摩結
輞川

示兒子布

不學淵明歎五男而能勇往劇驂驪策勲未害
收三北得雋還應仗二南手必徑須探虎穴腰
纏端擬入龍潭還如橄欖餘甘子食已方知苦
盡甘

宿泰山絕頂

覓得肩輿上寶坊飛流濺沫灑衣裳
攀天已覺吳牛喘見雪俄驚越犬狂
閒倚星宮臨析木聊憑日觀攬扶桑
卧聽風動簷鈴語彷彿還應替
戾岡

盧溝橋

萬山轟轟帝城西架壑輿梁閣道齊
棹楔金莖

飛鸞驚闌干玉笋踞後倪一彎蕩瀟波搖月千
尺連卷澗飲霓安得高秋三五夜狂歌醉舞謝
輪蹄

風雨中憶合桃

含桃摘後已無多更耐風狂雨橫何縱有緝跼
垂弱蒂分無丹顆綴柔柯朱唇失絳羞樊素頰
頰啼紅泣苧蘿想見流鶯正無賴應同老子共
悲歌

坐雨定淮寓舍

鳳城三日雨泫泫畏壘亢桑可得尋犂确石頭
愁路滑凌兢馬足畏泥深磨鉛稍復讎三豕擲
簡時還戲五禽破曉日光穿漏出快晴聊與候
蟲吟

河豚

青青滿地長萋蒿想見河豚出網跳怒腹彭亨
吐微沫駢頭澆瀦亂飛濤鸞刀削玉西施乳渠
盃簇金婆律膏已走僮奴持足陌堆盤橄欖薦
春醪

快晴

商羊飛舞走蝸牛一雨兼旬未擬休
壠上朱顏嗟鬱莫畦間黃落敗來牟
勝遊空憶屠門嚼闕食兼懷漆室憂
稍欲占天遲明發卧聞屋角有鳴鳩

和石田慰失解

解名合在孫山外賦藝元非羿
彀中豈有虛名同畫地亦無怪事
可書空從予善顧嗟狼疾信爾能
緣笑鼠窮聚鑊只今成大錯祇應
歸采首

山銅

吳江垂虹橋

閣道闌干上薜蘿連蜷雌霓跨銀河
雲消風止天容淡野曠江空月色多
夾道居氓懸素箔對眠漁子枕青簑
彩虹句好真堪並琢玉應鐫擊石波

思閩中

說着閩中便解顏恰如西笑望長安
赤泥紫餅茶芽綠白玉紅紗荔子丹
鼓棹武夷行曲曲肩

輿劔嶺上盤盤浮湘步泗吾人事夾往不知行
路難

約曹賓石觀何氏海棠

看花不負十年期恰直將開最好時淵客剪綃
珠錯落齊奴步障錦襪近同萱草居堂背高
並簣當出屋危愛比甘棠應勿翦西林亦復有
佳兒

經苔石先生故居

都院百年餘故宅青苔白石謝紛華側釐尚爾

留詩草孚尹猶疑帶墨花豈止仍孫誇上世端
令小子詫東家祗應舊迹皆文字科斗縈波鳥

篆沙

芥韻荔子用後村韻

朶頤讀蔡君謨譜扼腕聞張子壽誇噉荻蔗霜
如許塊噉薔薇露沒些檀樹高或教猱升木品
絕生憎麝觸花悔不學仙翁縮地直須從野老
移家

碧窗小坐

環堵儵然一畝宮
交加竹樹映編蓬
移將渭上貧簞谷
乞得淮南芳桂叢
冉冉空青飄枕簟
霏霏翠入簾櫳
玻璃盃映槐芽餅
竹葉還傾象鼻筒

沈正道赴瀏陽

行隨宦牒入紅蓮
闕下新辭玉笋班
燕尾分流東滙水
螭頭遙指北條山
幕中定草三千牘
鏡裏貪看十二鬟
一嚮試嘗知鼎味
他年好逐二疏還

滄浪亭

白茅亭子瞰滄波
面面芙蓉炫綺羅
遊戲蘭苕憐翠羽
浮沈荇藻愛紅鴛
揄揚合得歐公詠
款乃還聞孺子歌
燕坐儵然無一事
微吟欲就飲微醅

太虛洞

石理庚庚儼一廬
鑿開混沌自何年
潛通禹穴疑無地
誤入仇池別有天
澗口水簾珠錯落
從衡石棧玉鈎連
舊時香案前頭吏
骨相寧知不

是仙

羅浮嶺

縞衣僊子下青冥袖拂旃檀萬斛馨
鮫室翦綃供露帝蟾宮澣纒綴雲
輶蛾眉淡雅秦仍號蟬
鬢輕盈尹與邢月落參橫酒醒後
翠禽嘲晰若為聽

鶴樊

休論華表與華亭要共花間作伴行
邈矣遠從三島至曼然時向九臯鳴
丹砂作頂霞爭炫纖

縞裁衣雪鬪明折柳殷勤與樊圃未須辛苦念
曾城

凌霄花

高艷凌空翦絳紗柔條百尺自紛拏
垂垂倒挂銜花鳳跂跂能緣上竹虵
掩冉雲翹蔽雲葉繽緜天女散天花
寶珠瓔珞凌空下僊袂裁雲帔
疊霞

渡雲橋

古槎橫壑勢逶迤掩冉輕綃映薄羅
藹藹春空

歷代詩選 明高秀雅
逐行雨英英秋浦越凌波聯翩差比填河鵲零
亂真同赴渚鶩奏賦舊時題柱客飄然來往陟
山阿

閔雨

今雨淙淙連蒼雨區區所得未償勞艤舟桑下
誰三宿戴笠湖中僅一舸自是淺緣行與會非
關薄相故相撓箋天豈敢聊隨寓坎止流行擬
效陶

長橋望具區

馳道高于複道虹行人來往翠光中雄龍上下
鳴秋水雌霓蜺蜷挂曉空金跳脫垂懷二女玉
參差響愛雙童還期三五高秋夜來趁月明遊
閔風

飲酒

汗滓相將成醴齊練囊旋壓勸吾嘗誰云上若
烏程好肯讓中山白墮香想見盤渦同綽盃忍
分餘瀝到行觴柳家避去應三舍敢與坡翁較
短長

楓橋雨泊

計程明發履長橋不耐絲絲下
 次寥避漏屢遷勞竟夕推篷數問
 怕連朝崢嶸歲月心猶壯商
 略湖山路正遙滿地吳江帶
 蒼雪片帆遮莫趁寒潮

竹下

篔簹入戶褰虛幌薜荔緣階
 暎曲櫺冉冉蒲團搖水碧
 紛紛薤簞落空青

漁父

鯉魚風急罷垂綸袒裼閒看
 白鷺羣維錡有魚罾有酒平
 湖十里擬封君

松上凌霄花

冰雪貞姿凜莫攀無端柔蔓
 苦相纏傷人頗訝蒼髯叟頭
 戴花枝學少年

石倉十二代詩選

明三集卷六十五

終

石倉十二代詩選

三集卷六十五

暮年變服為林對學少年

木雲自交為莫攀無辭家寶書時聽商人戲

林

得在

明

石倉十二代詩選

三集卷六十六

瀛海集

大明

無錫顧彥夫著

後學曹學佺閱

南林棄婦辭於期意謝藉衣我妻妻且離下風

倚莫倚枯籬倒地難自支嫁須嫁良人詎意亦

難親來時容色好歸時髮絲槁一步一悲啼啼

痕泣芳草安翻

笑率少年行落落以餘觀風吹派身安有餘

猖狂不離酒富貴常在口中心竟何如風搖路

傍柳好風隨地起落日西山銜佳人盛容飾一
笑牽羅衫看花花似綺躍馬馬如飛長安有餘
樂薄暮將安歸

感秋容色秋風
西風晚颼颼感之生百憂容色非梧葉憔悴江
南秋日斜天欲暝意懶詩亦遲淒淒豆籬下風
斷青虫絲寒蛩聲漸低衰草頭已短感時忽驚
心心地須更煖

古亭

古道如之何今人棄如土邵生讀古書貌古心
亦古築亭荆溪邊仰慕唐虞前有懷聊自遣几
上琴無絃

訪周道士不遇用韋蘇州韻

山中試春茗扣戶訪僊客待久未歸來坐煖雲
邊石徘徊疎林下不覺日西夕老鶴飛青冥誰
挽風雲迹

靜海道中絕糧

適從天津來風逆舟行難倒囊無遺粒薄暮金

猶乾水濁不可飲茶苦不可殮聊將古書展再
讀還再看枵腹雷微鳴餓眼花作團掩卷竊自
笑笑我平常官轉念災傷民終歲忍飢寒嗟哉
民父母坐視胡能安

菜粥

菜椒風味好况復和稻梁緩火熬成粥滿屋多
馨香豈惟潤渴吻亦可充飢腸我有獻芹意九
重天茫茫腥膻間淡薄腑臟俱清涼此言不爲
妄山中人壽長

渡易水

燕丹養士非真士只養閭閻無賴子縱能感惠
期一死如何可恤平生耻再三欲得於期頭反
爲嬴秦先報讎風蕭蕭兮渡易水膽氣已落波
間流殿上圖窮匕首見武陽小兒顏色變秦政
曾無一髮傷屠家骨肉填溝壑淺謀速禍如馮
河社稷傾覆悲如何人言養士有遺患不如士
類非荆軻君不見昭王築臺延樂毅君臣相悅
忘形勢干戈一舉未經旬遂下齊城七十二鳴

歷代詩選 卷六 四
呼毅亦當時戰士流二老來歸憂憂能與周
明妃曲
宮中少年天下奇九重沈沈那得知知時又遣
生別離君心雖悔悔已遲黃雲低垂風浙瀝不
見人煙見沙礫漢家練武餘百年紅粉如何禦
戎狄馬頭北向心茫茫回首長安天一方離情
欲訴無人解一曲琵琶淚兩行丹青寫貌妍爲
醜不須追恨毛延壽古來相府操權衡顛倒賢
愚亦曾有

採蓮曲

若耶溪邊採蓮女碎嚼蓮心淚如雨蓮心雖苦
妾得知妾心有苦憑誰語練裊初製雪光寒着
來許久泥斑斑日晴水潔猶堪浣要比當時顏
色難

雞莫悲

雞卵毀家人以鴨卵代使雞伏
既大與之既雛雞以爲已子也引而之水濱鴨
雛去不復顧雞驚呼宛轉若甚悲者作

雞莫悲

歷代詩選 卷之六
雞莫悲鴨非爾子悲爲誰從來異類心必異鴨
背雖毛非爾肌鴨無情猶尚可呼之不來亦無
禍太真養兒安祿山操戈南來瞬息間蛾眉出
走不復還

送長蘆蕭運同致政歸

滄洲洲上柳裊裊綠煙絲嗟君有行色當風折
一枝憶昔相違更相見將來再會知何時清水
冷極愈純潔黃金鍊久無瑕疵盈虛大數不由
我野評公論付與誰斂手不爲鸚鵡賦投閒可

作歸來辭

東坡先生赤壁

東南風烈船如擲火延石壁壁愈赤周郎只欲
保江東那望中原天咫尺玄德君臣羈旅儔進
退憑人不自由老瞞從此知深淺只將吳蜀啗
孫劉至今烈士有餘恨恨氣散入長江流

次韻答施子羽監生

疎慵性度衰闌年亦學揚雄草太玄後來不忍
覆醬瓿可與諸子相周旋代耕雖能食斗粟空

囊豈曾留一錢汎汎虛名不干已鏡裏還嫌雙
白耳牀頭文稿餘幾多不爲官閒那有此鄙懷
日夜思南畝門前擬種陶家柳偶然亦有五男
兒將來知道誰賢否
春行有感
桃花露重凝紅脂柳條風暖垂青絲輕煙淡霧
聚忽散水禽山鳥雄呼雌嗟余落魄久爲客浪
度人間幾春色惻然感此動遐思百尺樓頭望
鄉國

自遣

芙蓉冷開聊自好鷓鴣早飛亦易飽炎州翡翠
傷生多洛陽桃李完枝少細推物理有餘情一
尊月下從容倒

清明有感

到處人家插楊柳無心更飲杯中酒母隴蕭蕭
骨肉寒懸念妻孥曾哭否孤帆渺渺行長河欲
進未進將如何行裝愈輕舟愈重應是清明愁
思多

春閨刺繡圖

芳花朵朵巧于剪垂柳絲絲細如撚天工一任
有深機眼前春色應難掩繡裳莫繡雙鴛鴦
鴛雙止復雙翔莫言女子偏求異此時要把嫌
疑避

老年謠

婚嫁紛紛事俱了齒豁頭童容色槁縱是扶筇
門外行亦妨頓足風中倒白晝纔興更欲眠黃
昏未飯先愁飽着眼看花眼已花臨書戒草書

皆草從容一笑淚反多急遽數言心似搗此翁
耄矣真可憐東抹西塗亦曾好此身還可作典
刑世事何須累懷抱君不見古來豪傑多軒昂
勲業將成不能老

送童西泉之任

晴絲牽風麥隴青朱轡向曉從容行我欲留之
留不得臨歧無限同官情綺琴就手古音在錦
袍耀日黃金橫一卮一卮復一卮洗卮更酌君
莫辭他日相逢在何處海萍南北隨風吹共期

終始保清白前代名人果是誰

月崑

千仞岡頭明月孤暝煙旋向空中無挺壑長松
自貞潔離羣老鶴相驚呼山人樂在杯中酒笑
問嫦娥知我不嫦娥不語天沈沈任教力鼓樵
雲手山風作寒愁轉多步依月光謳且謳歌聲
激烈有誰和絕壁啼猿挂女蘿

挽潘處士

孤南收彩蘭沈馨嗟翁一夢何時醒樓臺慘慘

冷碁局閣里蕭蕭空典刑伊昔精神皎如雪後
生疑受仙人訣巾葛常沾海角雲杖藜屢點出
頭蕨于今日暖春無涯橋泉流香杏有花百年
踪跡眇何許空庭古木悲寒鴉

呂秀才結友膠山讀書

雲中鬱鬱膠山脊亭館高低古苔碧春風自下
董生帷夜雨誰聯管寧席譬如雙劍礪霜刃鋒
鏘凜凜生晶英戰場露冷凋青草十萬貔貅應
可掃

靜菴

幽人家住林塘均有夢不到長安郊遶市煙塵
遠相隔栖山猿鶴如深交人情反覆迷終始君
心恬淡只如此庭前白石苔自生井底清泉波
不起小窗獨坐春沈沈身世寧知古與今壁間
高挂琴一指無弦默寓宮商音

南村題柳君宗鎬卷

崇文門外四三里茅屋數間村落裏犬吠花邊
驚客來鳥投樹底知風起王翁散步幽情多點

簡蓄畚早晚禾歸來一飽有餘樂勢利炎炎如
我何隔牆喚過隣家叟野菜隨時斟白酒酒後
齊聲唱竹枝不覺簷前耀星斗

和太常卿北川吳先生賞牡丹韻

此日風情好花前酌一杯總多兒女態或爲老
人開洛下繁華夢江東錦繡堆春光易零落吟
賞莫遲回

觀音閣次韻

海潮互消長江渚似沈浮共敘東南美誰分清

歷代詩選 明顧承美
濁流乾坤容我老
廊廟爲人憂
浪跡今何在
安知非蜃樓

記夢

午夢馳千里
趨庭進一觴
風清竹葉潤
水碧藕花香
宛轉看肥瘦
從容話短長
覺來南北隔離
思滴衣裳

遊牛首山用唐正郎年丈遊陽羨山韻

霧散分南北
溪清識淺深
夢中來往路
馬上短長吟
天曠春猶冷
山多午亦陰
洞中誰氏子
苦

用下碁心

二

躋險自荒蹊
果無人與齊
輕風楊柳舞
斜日杜鵑啼
茵席花非我
雞羣鶴似嵇
短歌聲調急
白日又歛西

三

地僻稀人迹
山空有鳥聲
倚雲千樹合
近寺一僧迎
弱草含春色
遊絲結晝晴
天風吹兩腋
應欲快吾行

元日試筆

九重傳命啓金扉正是城頭四鼓時皎皎星辰
懸殿閣鏘鏘環珮響階墀露沾僊仗明珠落樂
奏鈞天彩鳳儀但願宵衣從此始萬年垂拱御
華夷

哭涇野呂先生

訃來都下哭涇翁客邸時時淚眼紅千古文章
昭白日兩朝氣節凜高風久懸天下公孤望
不盡先前輔相功知己云亾吾已矣可將書劔

卧江東

獨坐

獨坐怡然笑我儂如何別習一家風食貧素分
常甘淡好學初心老更濃盧駱辭章徒粉飾秦
儀富貴枉遭逢世間若有劉先主定向南陽起

卧龍

思歸二首

日日思歸未得歸歸時將擬試寒衣暗中天意
誰能測鏡裏春光今愈非千里溪山勞夢寐十

年事業可歔歛掩書獨倚危樓望風捲浮雲南
北飛

渚蘋蒼蒼嶼蓼紅江南秋意歸誰儂異鄉想像
不可到開襟且受南來風南來風何處起九龍
山下梁溪汜也應吹我秋蘭叢幽香飛過三千
里

送麥運同之任

近憑詩句引交情情思方投又送行晉氏流風
勞想慕齊人遺法藉權衡石頭煙淨龍峰聳江

面波恬鏡面平君去尚留雲外月鳳皇臺上爲
誰明

舟泊天津稍直口

名津稍直一舟橫野曠誰知夜幾更山月徘徊
人獨立海天寥落雁孤鳴河流東下煙波遠風
陣西來草木驚有酒欲斟斟不得邊防民瘼正
關情

天津暑夜聞雁

年年春到作羣歸此夜如何此地飛想是自憐

歷代詩選 明倫彙編
毛羽倦不應猶戀稻梁肥
哀哀月下聲常咽
去雲邊力愈微
我亦後時流落士
形神相較是
邪非

和詠梅

官閣梅花冷亦開
主家故煖賞春杯
憑誰寄與人
千里許我來看日
幾回竹外一枝風
灑落琴中三弄思
徘徊如何不入靈
均賦自古山林有
逸材

百刻過沛縣有感

沛中鄉里舊山河
愧我推蓬醉裏過
天下曾歸三尺劍
人心還慕大風歌
四郊慘淡炊煙少
一水瀾漫積恨多
預約明年重到此
不知民俗更如何

送李潭水紀善先生

南來無地起纖埃
種種繁華遶鳳臺
燕子不能留客住
桃花端的爲誰開
蒼生應切東山望
前席猶淹賈傅才
別後懷思千里隔
一江春水碧于苔

風阻沙汀卽事

南風日日阻歸舟
舟傍沙汀靜處留
飛去白鷗知避客
釣來銀鯽誤含鈎
煙光曉弄桑榆景
柳絮春生蘆葦秋
蓬底欲眠眠不穩
隔溪雙燕語

周周 送李 戰水 賦 寄 長 主

過白浪戍

白浪戍前白浪多
進退兩難將奈何
僕夫已作楚囚泣
篙師唱罷吳門歌
孤舟汎汎險無比
我心悠悠平不頗
須臾報道新安近
天色弄晴風

氣和

送殷太簿考滿

白鷺洲邊春水生
一帆去去暢吟情
溪山千里小桃艷
書畫滿船行李輕
雲起石頭無定迹
鶯飛谷口有新聲
別來想望風神遠
月暗容臺燈夜明

夢桂濱張公

廣陵計至常疑假
白下書來始信真
千里相違猶飲恨
百年長別重傷神
嶺西不復見此老
海

內如今有幾人哭罷無聊求一睡
夢魂忽到桂溪濱

賞花釣魚圖

香餌一鈎少靈潭千尺深
浮沈皆戲耳得失不關心
汪洋時漸漬春陽自照臨
懸絲鱗戰錦適意鳥馳音
勝會有遲速風流無古今
仰看雲朶濕願作傅岩霖

秋懷

促織復促織達旦聲未息
我心如綺羅絲縷紛

刀尺

泊瓜洲

霞明識天霽水動驚潮來
移舟泊沙渚幾朶芙蓉開

客思

日長吟思短酒淡離情濃
垂簾坐孤館煙雨春濛濛

野景

水流蒲藻動石古莓苔多
花間來一鳥宛轉鳴

歷代詩選
明倫彙編
聲和

登覽

清曉登高臺未歌聲已哀吳山只如昨古人安在哉

淮陰祠

淮陰城下弔王孫心事昭昭不待論一飯尚能酬漂母後來何忍負君恩

望夫石

望夫僵立碧山頭夫離家鄉何處遊恨不化爲

江面草隨波牽着去時舟

次涇野公秋夜會飲

絕流人品聚精華意氣還嫌海有涯滿席香風來不斷隔牆孤樹木犀花

戒舟子

誰駕東吳萬里船一帆高挂勢翩翩黃鬚慎勿有矜色昨日阻風灘上眠

夕陽阻風

青山落日半邊銜風抑歸舟似尚謙造物無情

君莫恨南來人喜弄輕帆

秋夜聞砧

月皎風清夜已深誰家愈急擣衣聲砧聲不是
哀傷調碎却愁人一片心

夜不能寐

在昔家鄉怨睡魔如今數問夜如何尤嫌更鼓
分明甚敲入離人枕上多

石倉十二代詩選

明三集卷六十六

終

律